

駱賓王文集卷第六

表啓

爲請陪封禪表

和道士閨情詩啓

上吏部侍郎啓

上司列太常伯啓

上李少常啓

上兗州啓

上兗州崔長史啓



上齊州張司馬啓

為齊州父老請陪封禪表

臣聞元天列象。紫宮通北極之尊。大帝疑圖。玄猷暢東
巡之禮。是知道隆光宅。既輯玉於雲臺。業紹禋宗。必塗
金於日觀。云云。陛下乘乾握紀。纂三統之重光。御辯登
樞。應千齡之累聖。故得河浮五老。啓赤文於帝期。海薦
四神。奉丹書於王會。瑞開三脊。祥洽五雲。既而緝總章
之舊文。招群雍之故事。非煙翼較。移王輦於梁陰。若月
乘輪。秘金繩於岱嶽。臣等職均芻狗。陰謝桑榆。幸屬光

鏡多輝。照餘光於連石。軒圖廣耀。追盛禮於撻金。然而
鄒魯舊邦。臨淄遺俗。俱穆二周之化。咸稱一變之風。境
接青疇。俯職獲麟之野。山開翠屺。斜連辯馬之峯。豈可
使稷山遺氓。頓隔陪封之禮。淹中故老。獨奉告成之儀。
是用就日披丹。仰壁輪而三舍。望雲杼素。叫天闔於九
重。儻允微誠。許陪大禮。則夢瓊餘息。仰仙闕以相懽。就
木殘魂。遊岱宗而載躍。

和道士閨情詩啓

賓王啓學士袁慶奉宣教旨。垂示閨情詩。并序。跪發珠

輻。伏膺玉札。類西秦之鏡。照徹心靈。同指南之車。道發
途。悞切惟詩之興作。北基遂古。唐歌虞詠。始載典謨。商
頌周雅。方陳金石。其後言志緣情。二京斯甚。舍毫瀝思。
魏晉彌繁。布在縑簡。差可商略。李都尉鴛鴦之詞。纏綿
巧妙。班婕妤霜雪之句。發越清迴。平子桂林。理在文外。
伯喈翠鳥。意盡行間。河朔詞人。王劉為稱首。洛陽才子。
潘左為先。覺若乃子建之牢籠。群彥士衡之藉甚。當時
並文苑之羽儀。詩人之龜鏡。爰建江左。謳謠不輟。非有
神骨仙材。專事玄風道意。顏謝特挺。哉。謝興廢。自茲已

降。聲律稍精。其間以改。莫能正本。天縱明春。卓尔不群。
聽斯聲。鄙師消之作。聞古樂。笑文侯之睡。以封魯之書。
追自衛之迹。弘茲雅奏。抑彼淫哇。澄五際之源。救四始
之弊。固可以用之邦國。厚此人倫。俯屈高調。聊同下里。
思然入巧。文隨手變。侯調慙其曼聲。延年愧其新曲。走
以不敏。謬蒙提及。謹申奉和。輕以上呈。未近詠歌。伏深
悚息。謹啓。

上吏部侍郎帝京篇啓

賈王啓昨引注日垂索鄙文拜首驚魂承恩累息楚壹

再質在荆南以多慙遼豕白頭望河東而載忽其散材
易巧蟠木難容雖少好讀書無謝高鳳而老不曉事有
類揚雄徒以易象六爻幽贊適乎政本詩人五際比興
在乎國風故體物成章必寫情於小雅登高能賦豈圖
榮於大夫蓋欲樂道遺榮從心所好非敢希聲刻鶴竊
譽彫蟲至若質醜行以自媒銜庸音於苟進固立身之
岐路行已之外篇矣君侯蘊明略以佐時虛靈臺以照
物觀梁父之曲識卧龍於孔明聽康衢之歌得飯牛於
野賦是用異人翹首俊一婦誠猥以疵賤之姿謏奉

通之盼雖仲由之瑟終闕響於丘門而宋玉之謠譖均
音於郢路敢忘下里輕冒上呈庶導起予陳卜商之四
始恐吾幾子効然明於一言拜首增慙憂心如醉謹啓

上司列太常伯啓

側聞魯澤祥麟希委質於宣父吳坂逸驥寔長鳴於孫
陽是則所貴在乎見知所屈伸乎知己故彫其璞嶧山
有半死之桐賞其聲柯亭無永枯之竹伏惟明常伯公
儀天簞橫橫九霄而拓基浸地門源控四紀而疏派自
赤文薦祉曲阜分帝子之靈紫氣浮仙函谷誘真人之

秀本枝百代君子萬年道叶神交黃石授帝師之略德
由天縱白雲降玉輔之精峯秀學山列三墳而仰上瀾
清筆海委九流以朝宗登小魯之巖辨練光於曳馬臨
大吳之國識寶氣於連牛垂秋實於談叢絢春花於詞
苑辨河飛箭激牛翻白馬之津文江散珠圓波漱驪龍
之穴是用德茂麟趾削桐葉以分珪道煥鶴池映排花
而曳綬既而揆留皇鑒忠簡帝心奉職春官爍離光於
青殿代工天府明台耀於紫宸綜理玄風燮諧元氣含
暉禮皎愛日以流光毓彩文章映德星而開照若乃

識度宏遠器宇踈通明允篤誠盛業隆於厚土惠和忠
肅玄功格於上天則伊陟謝其緝熙巫咸慙其保乂舉
才應器與士無私水鏡澄花炫金波於靈府冰壺徹鑒
朗玉燭於神機則鄧攸莫際其瀾盧毓罕窺其術故使
妍蚩各安其分輕重不失其權五教克敷百揆時叙折
衝千里魯連談笑之工師表一時郭泰人倫之度加以
分庭讓士虛席禮賢片善經心揖仲宣於祭席一言入
道接然明於鄭堦某蓬蘆布衣乘樞常帶自弱齡植操
本謝聲名中年誓心不期聞達上則執鞭為士王庭帝

干祿之榮。次則捧檄入官。私室庶代耕之祿。願然而思。不聞於十室。學無專於一經。退異善歲。進殊巧宦。捋羊角而高翥。浩若無津。附驥尾以上馳。邈馬難託。實欲投竿垂餌。晦幽迹於渭濱。抱瓮灌園。絕心機於漢渚。幸屬乾坤與觀。烏兔光華。嵩山動萬歲之聲。德水應千年之色。雖無為光宅。欣預比屋之封。而有道賤貧。耻作歸田之賦。於是鷄來竟牖。利見金門。指帝鄉以望雲。赴長安而就日。美芹之願。徒有獻於至尊。蟠木之姿。誰為容於左右。明心誠。我成務。論道經邦。一碩之隆。駘足逾於

鹿。片言之事。魚目軌於靈蛇。庶望碩兔。維箕動薰風於舜海。從龍潤礎。霈甘澤於堯雲。則鱸餘之魚。希振鱗於吳水。膳後之豕。翻化龜於魯津。拜伏階墀。增其沐浴。謹啓

上李少常啓

賓王啓竊。准陰陽作炭化一氣。以陶甄天地。為鑪混万物。為翳狗。然則壁輪均照。或流景於萊城。玉燭平分。獨翔寒於悉谷。是汗隆迭襲。榮悴相循。得氣者繁。滋失時者零。落伏以君侯。疏乾激派。龍門開竹箭之波。鎮地橫

基鵠翹峙蓮花之嶺。曜重暉於若月。頰疊彩於非煙。至若瑞動赤光。著元勳於東漢。烽驚紫塞。宣武功於北征。奕葉龍光。蟬聯龜組。德攸天縱。白星降玉輔之精。道叶神交。黃石投帝師之略。故得三千運北。擊舜海以游鱗。九萬圖南。望堯雲而矯翰。折衝千里。魯連談笑之功。師表一時。郭泰人倫之度。於是九重銜紱。照星影於宸維。四達埋輪。振霜威於權石。加以分庭讓士。虛坐禮賢。片善必甄。揖虞翻於東箭。一言可紀。許碩榮以南金。賓王蟠木朽株。散樗賤質。墻面難用。灰心易然。退無毛薛之

接

交進乏金張之。塊然獨居。十載於茲。大然而日夜相代。笑溝壑之非遙。貧病交侵。思辟蘿而可託。欲乘幽控寂進。綺季於青山。樂道棲真。從魯連於滄海。幸屬舜門廣闢。漢幣交馳。遂得佇嘯高丘。應箕文而動韻。聆吟大野。浮艮岫以流陰。將恐在藻纖鱗。終寡登龍之望。棲榆弱羽。徒抑搏鵬之高。所覲曲逮恩光。資餘潤於東里。襲承導引。託輕夢於南樛。撫已多慙。循躬增懼。謹啓

上兗州啓

側聞未遇孫陽。鹽車無絕塵之迹。時逢和氏。荆山有連

城之珍。豈若聽清音於夔餘。則枯桐發響。收夜光於玄
壁。則侏石騰輝。在物猶然。况於含識者矣。伏惟明使君
鳳穴振儀。龍門標峻。瓊彫岳立。表秀千雲。霞煥霜霏。澄
虛鑒物。既而代工天府。忠簡帝心。擁熊軾而撫百城。建
隼旗而臨千里。坐棠敷惠。恩纏去思。剖竹垂仁。式歌來
暮。清凝夜燭。化警晨鳥。外勗九農。內弘五教。導之以禮
樂。齊之以刑書。約法遵寬。設蒲鞭之耻。立言惟信。控竹
馬之期。甘雨隨車。雲低輕重之蓋。珠還合浦。波含遠近
之星。至如卧理稱難。坐蒲匪易。披裳問疾。垂愛景以字

人。褰帷廣聽。穆薰風而扇物。嚴

降叶隼擊而防小

人。零露春濡飾

而禮君子於是仁必有勇。吏不忍

欺。美譽鬱於三齊。

騰於萬古。若乃清規遠鏡。皎月

色於靈臺。玄鑒

凝穆松風於智府。研機十篋。探賸九

流。縟翠萼於詞林。絳鮮花於筆苑。文江翻浪。織玉歛以

韜霞。學海驚瀾。綴珠鱗於濯錦。加以懸榻待士。擁琴禮

賢。汲引忘疲。獎題不倦。懷經味道之客。望範圍之駿奔。

兼色流略之夫。窺義園以邀集。求小善於毫芥。頌正禮

於二龍。振幽滯於沙泥。許明公於一驥。賓王淹中故俗。

體朴厚之弘規。稷下遺毗。陶禮義之餘化。頗遊簡素。少
閱綠綳。每聽蟀淒吟。映素雪於書帳。莎鷄振羽。截碧浦
於翰池。既而學異懷蛟。才非夢鳥。價不齊於南漢。芳不
重於東山。幸屬日月光華。雲霞紛郁。方結羨魚之網。將
謠扣角之詞。奮短翮於搶榆。希高標之餘拂。濯纖鱗於
涓滴。望鴻浪之微露。所冀碩駉。曲流翦拂。增價則鈇刀
起一割之用。跛鼈致千里之行。是知竊混吹於齊竽。濫
飛聲於郢路。拘山鷄而自恣。碩遼豕以多慙。輕觸威顏。
不遑流汗。謹啓。

上兖州崔長史啓

側聞鄆城戢耀。駭電之輝。俄剖沙丘。跪迹躡雲之轡。載
馳。然則激瑞侵星。佩潛蛟於壯武。騰鏢歷塊。騁蹠駿於
咸陽。且煦轍波鱗。側羨鰲潭之躍。觴籠雲翼。高望鵬魚
之迅。是以齊郊夕唱。牛歌挾白水之詞。漢境朝趨。車侯
驚拂塵之思。伏惟公騰瀾浴景。濬靈派以含珠。擢幹捐
雲翊。巖而聳桂。崇基豐秀。匡霸道於周盟。茂緒聯輝。
贊文場於漢戚。偉龍章之秀質。騰孔雀之俊年。叶鳳彩
於英姿。辨蟾精於日。靈臺宏遠。馳霄練於霜潭。冊府

幽深。絢朝虹於壁渚。心波湛漢。泳魄難於黃陂。情岳干
天。韞風雲於稽巖。龍津共濟。競欣登御之車。蕪室欽賢。
必擁澄清之轡。鬱文條而擢彩。藻逸藩花。擘詞峯而銜
價。光浮衛玉。然則昆溪既琢。必見山川之精。樹羽已懸。
行嗣雲韶之響。是以左龜陰而演化。務肅百城。輔麟壤
以宣風。恩覃千里。徽猷克著。逾盛德於休徵。聲績聿宣。
軼英規於恭祖。佩呂刀而邵美。已贊塞帷之遊。屈龐驥
而未伸。將聘仁風之駕。加以側階引彥。鑒宗子之微言。
倒徒延賓。辨王生之雅量。故使圓流之下。探照乘於長

波。高岫之巔。剖連城於幽石。賓王瓶筍小器。鷲蚊末材。
斜帶環桐。戢睇陽之厚德。傍鄰汶滌。暮貫時之閔。

容膝一丘。曲阜之瓢。遽切枕肱五畝。成都之壁已勞。
稽石馱於糟糠。負薪疲於短褐。然則少奉過庭之訓。長
趨克己之方。弋志書林。咀風騷於七略。耘情義圃。偃圖
籍於九流。洒惠渥於羊陂。屢泛文通之麥。峻曲岸於嵩
谷。時遺公叔之。雖不能縱逸韻於霜臯。啖野致九天
之響。而頗亦蓄芬於露薄。垂薰有十步之芳。而乃忽迹
曾鴻。非荆山之抵鵲。造名韓犬歎稽阜之橫梁。方今玉

瑄墜秋。金風動籟。吳宮歸乙。望陰岫以依遲。素林返鴈。
候陽潮而低舉。羸金味道之子。侔纁帛以彈冠。屑玉含
毫之人。望弓旌而翹足。竊不揆於庸識。輒輕擬於陽庭。
所冀恩波。時流吹唾。儻能分其斗水。濟濡沫之枯鱗。惠
以餘光。照孀媿之寒女。得使伏楹。駕蹇。希駉驥而蹠足。
竄踈。翩翔。排鴛鸞而刷羽。則指軀匪恠。碎首無辭。雖復
投報。揚金。君子以之。貽誠效誠。魏草。小人之所懷恩。輕
瀆威嚴。深懼履尾。載塵聽覽。迫其暗冰。謹啓。

上齊州張司馬啓

某啓。昔者薛邑聞歌。摛馮謔於彈鋏。夷門命駕。碩侯羸
於抱關。何則。志合風雲。載笠均乎乘馬。情諧道術。忘筮
貴乎得魚。是以挹蘭言於斷金。交蓬心於匪石。庶清音
默聽。賞流水於牙絃。妙思通神。叶成風於郢匠。伏惟公
流源白水。浸地軸以輪波。纂慶黃軒。感星精而誕命。綴
珠華於七曜。聯玉葉於五雲。至夫神石。攝祥靈鈞。表貺
千年。馭鶴振仙氣於帝鄉。七葉珥貂。襲榮光於戚里。因
以紛綸國謀。昭晰家聲。泊乎鹿走周原。輔秦圖而興霸。
蛇分沛澤。翼唐運以開基。皇帝王之玉潤金聲。博望侯

之蘭薰桂馥。羽儀百代。掩梁竇以霞褰。鍾鼎一時。罩素
揚而岳立。故得重規遠鏡。湛月路以流清。茂社遐鋪。架
雲門而擢秀。公飛英鳳穴。藻五色以凝華。頴躍龍泉。涵
九重而毓潤。風情踈朗。霜明月湛之姿。氣骨端嚴。雪白
冰清之槩。若乃性符神授。道擅生知。挫三端於情峯。朝
九流於學海。博聞強記。辨晉國之黃熊。將聖多能。識吳
門之白馬。言泉漱迥。驚瀑布以飛瀾。文江澹清。含濯錦
而翻浪。鬱振市以增茂。穆蘭室以流芳。於是翔鱣應符。
觀光上國。飛龍成卦。利見大人。搏羊角以垂天。展翼足

而騰景。翼貳潘郎。紹敬祖之清廉。光贊外臺。陳君回之
亮直。推公平而拆獄。傑鼠謝其嚴明。擁端慙。化蛇
慙其智勇。加以清規日舉。湛虛照於冰壺。玄鑒露凝。朗
機心於水鏡。謙光自牧。恭已愛人。片善必甄。揖虞翻於
東箭。一言可紀。許碩榮於南金。某疾抱支離。材均臃腫。
進不能握蘭分竹。縮銀黃於雲臺。退不能絕粒茹芝。鍊
金丹於地肺。而出沒風塵之內。淪漂名利之間。游無毛
薛之交。仕乏金張之媛。塊然獨處者。一紀於茲矣。然而
日夜相代。恐溝壑以非遙。窮病交侵。思薜蘿之可託。常

願處幽棲寂。追夏黃於商山。樂道棲真。從魯連於滄海。
豈圖語默易爽。心迹難逃。從橋之恨逾深。攀桂之情徒
結。是用絕心乾沒。耽閱丘墳。謁子持於南荆。訪康成於
北海。西遊梁益。仰司馬王楊之風。東入臨淄。慕淳于管
晏之智。瞻言前古。從欲思齊。俯惟當今。空勞懷刺。不意
雲浮楚潤。霜落鍾鳴。揖郭太於靈舟。有道斯在。賞駿明
於檄俎。盛德猶存。雖調清歌。誠寡和於郢路。而庸容溢
吹。竊混奏於齊竽。輕課撮囊。揄揚盛德。庶金波離旱。零
陸之石自飛。瑤光建寅。簫丘之火暫熱。學慙麟角。得類

汗如漿。丹心若厲

駱賓王文集卷之六

駱賓王文集卷第七

書啓

上廉使啓

上瑕丘常明府啓

上郭贊府啓

上梁明府啓

上裴侍郎啓

與程將軍書

荅貞半千書

與父老親情書 二首

上廉使啓

賓王啓。每讀書見古人負米之情。捧檄之操。未嘗不廢書輟卷。流涕傷心。何則。情蓄於中。事符則感。形潛於內。迹應斯通。而悅帝力。以拯冤情。欣養素。仰皇華而暢息。取用披丹。伏惟公源控玉輪。激神濤而涵地。基疏金闕。架飛岳以韜雲。洎乎鹿走周原。霸燕圖於即墨。蛇分沛澤。封漢爵於筆城。福祿鍾攸。公侯必復。炳靈丹穴。龍襲吉黃裳。若乃峯秀學山。列三墳而仰止。瀾清筆海。委九流。

以朝宗。登小魯之山。辨練光於亂馬。臨大吳之國。識寶氣於連牛。垂秋實於翰林。絢春花於文苑。清規湛秀。照月旦而彫談。素論凝玄。開夜光於妙辨。既業成麟角。引茅茹而彈冠。道映鴛池。絢桃花而曳綬。揆留皇鑒。忠簡帝心。列職春官。標離光於青殿。代工天府。明台耀於紫宸。故得龍濤垂光。戢兩星而開照。鶴蓋浮影。翼五雲以連陰。其大塊流形。小人餘慶。幸河神入昴。映日掄以流祥。江使負圖。泛青蓮而薦兆。薰風廣扇。聖日揚輝。進不能高議雲臺。談社稷之上務。退不能銷形地肺。揖箕顛。

之餘芳。而出沒風塵。湮淪名利。十年無棣。萬里惟桑。既
而日遠長安。出逢門而西笑。雲飄吳會。遙松浦以南浮。
與塵迹丘中。絕漢機於俗網。承歡膝下。馭潘輿以家園。
不悟地絡遐張。維白駒於空谷。天羅迴布。弋黃鶴於高
雲。願已驚鈞。並從媒銜。力農賤事。未免東臯之勞。反哺
私情。遽切南陔之詠。少希碩復。輒布應誠。雖嗟臍思歸。
空軫倚廬之望。而噬臂未仕。非圖高蓋之榮。明公資孝
履忠。恕已及物。惟機成務。論道經邦。庶得願免離星。動
清風於舜海。從龍潤礎。霈甘雨於堯雲。則白羽書生。自

銘恩於食稻。黃裳童子。將賽德於飡花。拜首迴違。傾心
霖霖謹啓

上瑕丘常明府啓

側聞觸龍戢翮。負垂天而踞影。伏楸羈啼。望絕塵而斃
足。故以遊蓮遇綫。悟宋玉於嬰羅。在藻迷波。願家莊於
照轍。是以臨淄遣婦。寄東蘊於齊鄰。邯鄲下客。效慶
於趙相。伏惟明府公。締址瓊峯。靈岳蔽丹霄之景。圖畫
珠淵。神流沃清漢之波。玉札飛文。綜宏詞於楚傳。金甌
結藝。味雅道於扶陽。孕蘭畹而生姿。灑灑踵高門之慶。

產銅溪而寫鐔。荆藍資象德之禎。幼辨羝羊。演飛龍之
祕策。夙談孔雀。對家禽之麗詞。赤野浮炫價之光。珠胎
瑩色。丹穴悟來儀之迅。風姿含彩。靈襟轉壁。絢迤照於
蘭池。神府驚蘋。韻清音於桂浦。談業散馥。韞餘氣於九
蘭。筆海流濤。駭洪波於八水。縮銅麟向。製錦鳧郊。化泆
下車。恩乎攬轡。德聲含詠。仁風飄十地之雄。道化徧誦。
惠露灑三天之渥。狎中牟之馴雉。豈懼駘媒。驚重泉之
瑞鸞。非開照舞。雖則塵飛。范甑垂銀。有結綬之。而乃
調理家弦。烹鷄屈涵牛之量。加以招携白屋。言言。

遂使激流。逸客望驥。足以雲蒸。棲苾遺才。歎龍門而雲
會。某緯蕭末品。拾艾幽人。寓迹雲壇。挹危直之秘說。託
根磬渚。戢戰勝以良圖。幸以奉訓。趨庭束情。田於理窟。
從師負笈。私情識於書林。至於九流百代。頗忽其異端。
萬卷五車。亦研其奧旨。將欲優游三樂。負杖以終年。棲
遲一丘。鳴絃而卒歲。諒以糟糠不瞻。甘旨之養。屢空。簞
食無資。朝夕之歡。寧展。是以祈南陽之捧檄。擬毛義之
清塵。思魯國之執鞭。蹈孔丘之餘志。屬以蚤秋。應節。鴈
序戒時。飈金將露。玉供清。柳黛與荷。紉漸歇。寔含毫振

藻之際。離經析理之期。不揆彫朽之材。竊異遷喬之路。輒期泛愛。輕用自媒。儻荆璞無見。致疑夜光。不逢按劍。則沉骸九死。終望銜珠。頓首三泉。徒希結草。載塵清厲。謁外影慙。冒瀆威嚴。循心內駭。謹啓。

上郭贊府啓

側聞承樞。嘯谷韻清。瀨於驚蘋。震德昇乾。變玄枝而布族。雖涸鱗濡沫。尚觖望於鯨波。而決羽槍榆。頗思遷於鶯樹。伏惟公瓊基疊秀。積珠構於三龍。玉翰驚薰。擘瑤林於八桂。仙飛有道。榮河泛高尚之舟。德驗通神。靈榮

動幽明之境。產耶溪而濯質。霜鐔廓豐匣之姿。孕鍾嶺而飛華。虹玉絢荆巖之氣。松秋表勁。翊頰霞而挿極。菊晚沁芳。涵清露而泫沼。鑿懸龍鏡。明遠照於咸陽。韻入鳧鍾。驚洪音於長樂。心源泛藻。控螯壑以朝宗。情徽披掩崑岑。而作鎮。惠牛暉辨。驚荀鶴於談業。揚鳳摛文。詠鄒龍於筆海。故佐銅章於彊渚。側扇文鯨之風。戒墨綬於銅郊。讚誘祥鸞之化。絃揮單父。弼清韻於稽琴。化俾中牟。翊馴翠於潘雉。加以延賞置驛。接士軾廬。采拔勇微。連欽賢於司。提獎幽滯。馭取俊於淳于。某甕牖

輕生。席門賤品。幸以叅名比屋。稅康衢以自娛。預迹耦
耕。欣日出而知作。又以家傳素業。弋書林而騁志。少奉
庭闈。踐文圃以漁魂。至於青紉。頗側探其奧旨。竹
書石記。亦幽永其邃源。雖未能叫徹帝闈。聲馳宰府。而
頗亦見推里閭。譽浹鄉閭。方今銀箭經秋。金壺應節。吮
墨翹足。期遙迹於一枝。味道彈冠。望橫經於重席。不量
庸昧。竊冀揚庭。伏乞恩波。暫垂廻盼。僮使陳留。遠調下
探柯亭之篠。會稽陰德。傍春餘漢之祭。則迴眸之報。不
獨著於前龜。清亮之音。誰專稱於往笛。雖滄溟遠。永

不復於牛溲而蒿代。此恩。於蟻。輕。唯深猥瀆。階庭兢惶。交集謹啓

上梁明府啓

某啓者。聞歌薛邑。賞彈缺於馮諶。佇駕夷門。揖抱關
於侯子。豈惟成風之斲。妙思通神。流水之絃。清音入聽。
况夫志合者蓬心可采。情諧者蘭味寧忘。伏惟公儀天
峙。構魯基。控射牛之峯。浸地開源。驚濤疏釣。鼇之浦。至
夫封侯廟食。掩金許以霞褰。三主八公。罩衣揚而岳立。
於是功超振鷺。位典烹鮮。水鏡澄瀾。照翔鷺之舞影。吟

琴動操。叶馴雉之雅音。既而感德有鄰。佐皇華而撫俗。君子不器。扈輶軒以觀風。某蒲石植遷。聲鄉蓬轉。不叶。十室無專一經。羣驥逸而無由。仰鵬飛而自失。公顧眄。威飾咳唾。為恩庶微。潤於江波。異求光於鄰燭。使幽禽。透木。侶丹山於帝梧。鳴石在川。應黃鍾於仙管。敢布心。也。詎能望焉。謹啓。

上吏部裴侍郎書

武功縣主簿駱賓王謹再拜書。裴公執事。曰書不盡言。言不盡意。然則理存乎筆。非書無以達其微詞。隱乎情。

非言無以鑒其旨。僕誠鄙人也。頗覽前事。每讀古書。高堂九仞。曾參負北向之悲。積粟萬鍾。季路起南遊之歎。未嘗不廢書輟卷。流涕霑衣。何者。情蓄於衷。事符則感。形潛於內。迹應斯通。是布腹心。罄瀝肝膽。庶文雅含弘之量。矜小人悃款之誠。惟君侯察焉。賓王一藝。空稱十年不調。進寡金張之援。退無毛薛之遊。亦何嘗獻策干時。高談王霸。銜材楊己。歷抵公卿。不汲汲於榮名。不戚戚於卑位。蓋養親之故也。豈謀身之道哉。不圖君侯忽垂過聽之恩。任以書記之事。擬人則多慙。阮瑀入幕則

高謝邠超。昔鼎政荆鄉。刺客之流也。田光豫讓。烈士之
分也。咸以勢利相傾。意氣相許。尚且捐軀燕趙。甘死齊
韓。今君侯無知於下官。見接以國士。正當陪麾後殿。奉
節前驅。賈餘勇以求榮。效輕生而令施。逡巡於成命。躊
躇於從事者。徒以夙遭不造。幼丁閔凶。老母在堂。常嬰
羸恙。藜藿無甘旨之膳。松楸闕遷措之資。撫躬存亡。何
心天地。故寢食夢想。噬指之戀。徒深。歲時蒸嘗。崩心之
痛尤極。若僕老同名教中一罪人耳。何面目以奉三軍
之事乎。况屬天倫之喪。登踰七月。違膝下之養。忽以三

年。而凶服之制行終。哀疚之情未洩。興言永慕。舉目增
傷。夫怨於心者。哀聲可以應木石。感於情者。至性可以
通神明。故徐元直寸心以求辭。李令伯陳情以窮訴。上
以棄興王之佐命。下以全奉親之篤誠。而蜀主不以爲
非。晉君待之逾厚。此二者豈貪貧賤。惡榮華。厭萬乘之
交。足匹夫之辱也。蓋有不得已者哉。人有訖。洪。而心。脂
韋成性。捨慈親之色養。許明主以驅馳。內忘顧復之私。
外存傳會之眷。薄骨肉。厚榮寵。苟有恩而自效。則君侯
何以處之。且義士期乎壯夫。忠臣出乎孝子。既不能

推心以奉母。亦焉能死節以事人。假物議之無嫌。實吾斯之未信也。况流沙一去。絕塞千里。子迷入塞之魂。母切倚廬之望。就令歡以卒歲。仰南薰之不貲。而使憂能傷人。迫西山而何幾。君侯情深錫類。道叶天經。明恕待人。慈心應物。儻矜犬馬之微願。憫燕雀之私情。寃其負恩。遂其終養。則窮鬼有望。老母知歸。再拜。

與程將軍書

昨見武郎將備陳將軍之言。思出非常。談過其實。恭聞嘉惠。深用慙惶。君侯懷管樂之材。當衛鶴之任。豐功厚

利。盛德在人。送往事居。元勳益俗。智足以興皇業。道足以濟蒼生。尚且屈公侯之尊。伸管庫之士。若下僕者。天地無一用芻狗耳。粵自旌貴之辰。即逢聖明之曆。材不能經務。不能成佐命之功。智不通時。不能包周身之慮。加以天資木強。不能屈節權門。地隔蓬心。不能買名時議。常願為仁由己。喪我於吾。見機可以絕機。無用之為有用。隨時任其舒卷。與物同其波流者矣。其於木也。魯班無所措其鈎繩。其於駕也。伯樂無所施其銜策。不悟聖明朝發明敷之制。君侯緝雍熙之道。曲垂提獎。廣惜游

猥以樗櫟之姿。忝預賢良之薦。當今鴻漸富學。麟閣多
英。非游夏不可以昇堂。非夔牙不可以擊節。儻使片言
天德。事暴區中。匹夫竊議。語流天下。進非得賢之舉。退
貽薄德之譏。恐不肖之軀。為高明之累耳。必能一眚增
價。九術先登。燕昭為市駿之資。郭隗居禮賢之始。則當
效駑鈇之用。飾固陋之心。陶鑄堯舜之典謨。憲章文武
之道德。上以完三才之能事。下以通萬物之幽情。勿使
特詞翰為行己外篇。文章是立身歧路耳。又何足道哉。
言而不慙者。恃惠子之知我也。所恨禁門清切。造別無
私。忘其貴賤之禮。

荅負半千書

張評事至。辱惠書及詩。把翫無厭。整如有叙。上言離恨。
下勗交情。篤以猛風乾蘇之談。弥以驟雨濕薪之喻。雖
聞義則徙道。存於起予。而擬人失倫。事均乎翫物。借如
誠說。益足下之不知言。儻或劇談。豈吾人之所仰望。夫

鯤之為魚也。潛碧海，泳滄流，沉鯨於渤海之中，掉尾乎風濤之下。而濠魚并鮒，自以為可得而齊焉。鵬之為鳥也，刷毛羽，恣飲啄，戢翼於天地之間，宛頸乎江海之畔。而雙鳧乘鴈，自以為可得而乘焉。及其羽化垂天，搏風九萬，振鱗橫海，擊水三千，寧直與鵲於扶榆，假力於在藻。資江濱消流之水，待堀堦，豈足與我。故張子房之達人也，擊水搏風之適焉。朱買臣之屈士也，戢翼沉鯨之致焉。足下雅得古人之致，不之先賢之過，自守莊筌，無嬰魏網，亦寧不知在藻於扶榆之力，非擊水搏風之功。

哉。而詞旨慙慙，深所未諭。蓋言尔志，豈若是乎。天人間百年，物理千變，名利寵辱之情，立矣。愛憎毀譽之迹，生焉。其有道在，則尊德成而上。幽貞為虛白之室，靜默為大玄之門。知軒冕是儻來，悟榮華非力致。苟斯道不墮，亦何患乎無成。而欲圖僥倖，俸於擢重之交，養聲名於衆多之口。斯所以揚朱徘徊於岐路，阮籍怵惕於窮途。嗟乎，霜往露來，歲寒不待。山高河廣，離會無時。桂樹寒花，公文去而忘返。松巖春草，王孫遊乎不歸。去矣，負生遠雜，隔矣，音塵不嗣。情其勞矣，畏途空谷，靜躁殊矣。志存

好我無密尔音。

與博昌父老書

月日駱賓王致書于博昌父老等承並無恙幸甚幸甚
雲雨俄別風壤異鄉春渚青山載勞延想秋天白露興
變光陰古人之別易會難不其然也自解携襟袖十五
年文臂存亡略無半在張學士溘從朝露辟閭公倏掩
夜臺故吏門人多遊蒿里耆年宿德但見松丘嗚呼泉
壤殊途幽明永隔人理危促天道奚言感今懷舊不覺
涕之無從也過隙不留藏舟難固追惟遊者浮生幾何

哀緣物興事因情感雖蒙莊一指殆先覺於勞生秦天
三彌詎忘情於怕化微其泣矣尚何云哉又聞移縣就
樂安故成廟宇邑居咸徙其地里開阡陌徒有其名荒
徑三秋蔓草滋於舊館頽墉四望棋木多於故人嗟乎
仙鶴來歸遼東之城郭猶是靈鳥代謝漢南之陵谷已
非昔昔先君出宰斯邑清芬雖遠遺愛猶存延首城池
何心天地雖則山河四望是稱無隸之墟松檟千秋有
切惟桑之里故每懷宿昔尚想經過于役不違願言徒
擁今昔成有戚東戶無為野老清談怡然自得田家濁

酒樂以忘憂。故可洽賞當年。相歡卒歲。寧復惠存舊好。追思昔遊。所恨致予望之。經途密迹。佇中衢而空軫。中下澤而莫因。風月虛心。形留神往。山川在目。室迹人遐。以此懷勞。增其歎息。情不遺書。何盡言意。

與親情書

風壤一殊。山河萬里。或平生未展。或睽索累年。存沒寂寥。吉凶阻絕。無由聚洩。每積淒涼。近緣之官。佐仁海曲。便還故里。冀叙宗盟。徒有所懷。未畢斯願。不意遠勞折簡。辱建涇洹。雖未叙言。楚如披面。晚夏炎鬱。並想履宜。

某初至鄉間。言尋舊友。耆年者化為異物。少壯者咸為老翁。山川不改舊時。丘隴多為陳迹。感今懷古。撫存悼亡。不覺涕之無從也。詢問子姪。彼亦凋零。永言傷情。增以悲動。雖死生之分。同盡此途。而存亡之情。豈能無恨。終期展接。以申闊懷。取此月二十日。柩柩成禮。事過之後。始可得行。祇叙尚賒。傾系何極。各願珍勗。遠無所詮。

駱賓王文集卷第八

雜著

季長史宅宴序

王司馬樓宴序

冒雨尋菊序

楚國寺宴序

錢宋三之詩序

寶六郎宅宴序

送閻五序

錢尹大陸道士序二首

送益府參將序

錢勰錄事序

錢季八詩序

揚州者競渡序

與群公宴序

對策文三道

秋日於益州李長史宅宴序

天以五岳棲真直眇青溪之上六次與道寤冥滄海之

濱斯並激俗矯時獨善之風自遠懷材韞價無濟之道
未弘長史公玄牝凝神虛舟應物得喪雙遣巢由與許
史同歸寵辱兩存廊廟與山林齊致乘展驥之餘暇俯
沉屏以開筵曲浦澄漪似對任棠之水茅亭興洽如歸
山簡之池加以秋水盈襟寒郊滿望洲渚肅而蕪葭變
風露凝而荷芰踈忘懷在真俗之中得性出形骸之外
雖四子講德已頌美於中和而五際陳詩未形言於大
雅爰命虛設題其序云弁側山類自有琴歌留客操瓢
梁翰非無池水助人盍各賦詩式貽樂事云尔

初秋登王司馬樓宴序

司馬公千里騰光翼外臺而展足九日多暇。敞麗譙以
開筵于時葭散秋灰檀移夏火鴻飛漸陸流斷吹以來
寒鶴鳴在竹上中天而整露於是銷開玉饌交雜佩而
簡薰酒泛金翹映清罇而湛菊。雖傍臨廣派有異章臺
之遊而俯瞰崇墉雅叶城隅之會物色相召江山助人
請振翰林用濡筆海云尔。

冒雨尋菊序

白帝但秋黃金勝友解塵成契冒雨相邀悶涼燠則鴻

鴈在天叙交遊則芝蘭滿室砌花舒菊還同載酒之園
岸葉低松直枕維舟之浦參差遠岫斷雲將野鶴俱飛
滴瀝空庭竹響共雨聲相亂抑折巾於書閣行閱飄趁
挹雅步於琴臺坐聞流水字中科斗競落文河筆下蛟
龍爭投學海珠簾映水風生曳露之濤錦石封泥苔濕
印龜之岸泛蘭英於戶牖座接鷄談下木葉於中厨池
烹野鴈墜白花於濕桂落紫蒂於踈藤雖物序足悲而
人風可愛留姓名於金谷不謝季倫混心迹於玉山無
慙叔夜

晦日楚國寺宴序

夫天地交通志筌蹄者蓋寡人間行樂共烟霞者幾何
群賢抱古人之情風翫新年之淑景情均物我緇衣將
素履同歸迹混汙隆廊廟與江湖齊致于時春生城闕
氣改川原聞遷鶯之後時行欣官侶見遊魚之貪餌坐
悞機心加以慧日低輪下禪枝而返照法雲凝蓋浮定
水以涵光忘懷在真俗之中得性出形骸之外雖交非
習靜多慙谷口之談醉可逃喧自得山陽之氣詩言志
也可不云乎。

餞宋三之豐城詩序

黯然銷菟者豈非生離之恨歟帝里天津槐衢分黑龍
之水巴陵地道楓江遠白馬之門親友徘徊締歡言於
促膝故人樽酒掩離涕於交頤于時挽吹吟桐疑奏離
別之曲輕秋入麥似驚搖落之情白日將頽青山行暮
想姑蘇之地夕露霑衣望吳會之郊斷風飄蓋嗟乎岐
路是他鄉之恨瀟水非明日之懽玉斗臨吳太阿之氣
可識金陵背楚小乎之路行遙盡各賦詩式昭離緒

初秋於竇六郎宅宴序

六郎道合采葵嘯懸鶉而契賞諸君情諧伐木仰登龍
以締歡于時一葉驚寒下陳柯而捲翠百花凝照淡虛
牖以披紅既而俱欣得兔之情共掩亡羊之淚物我雙
致匪名席以言蘭心口兩齊混汗隆而酌桂雖志筌戴
笠與交態於靈臺而搦管操觚叶神心於勝氣盍陳六
義詩賦一言即事凝毫成者先唱云尔

秋夜送閻五還潤州序

閻五官言返維桑脩途指金陵之地李六郎交深投漆
開筵浮白玉之樽于時壁彩澄虛漏輕光於雲葉珪陰

散迥搖碎影於風梧雖桂醕蘭缸斲洩留於一夕而
青山黃鶴特惆悵於九秋請勒四言俱伸五際

秋日餞尹大往涼序

尹大官三冬懸暢指蘭臺而拾青薛六郎四海情深飛
桂樽而舉白于時兔苑東上龍火西流劍彩沉波碎楚
蓮於秋水金輝照岸秀陶菊於寒隄既切送歸之情弥
軼窮途之感重以清江帶地間吳會於星津白雲在天
望長安於日路人之情也能不悲乎雖道術相望叶神
交於靈府而風烟懸隔貴中心於翰林請振詞鋒用開

筆海人為四韻用慰九秋

秋日餞陸道士陳文林序

陸道士將游西輔。通莊相浮氣之開。陳文林言返東吳。修途走落星之浦。於是維舟錦水。藉蘭若以開筵。綫騎金隄。泛榴花於祖道。于時亦烟沉節青。如司辰霜鴈銜蘆。舉賓行而候氣寒。蟬噪柳帶涼序。以含情加以山接太行。聳羊腸而飛蓋河通。少海疏馬頰以開瀾。登高切送歸之情。臨水感逝川之歎。既而嗟別路之難。駐惜離樽之易。傾雖漆園筌蹄。已忘然於道術。而陟陽風雨。貴

抒情於詠歌。各賦一言。同為四韻。庶幾別後有暢離憂云尔。

初春邪嶺送益府參軍序

分首三春。送君千里。青山白日。非舊國之春秋。翠掌清罇。是他鄉之盃酒。况復圭峯西望。切登高之情。渭水北流動。臨川之歎。于時寒光將歇。春景未華。殘雪飄花。猶開六出。輕水涵鏡。未解三川。晨風軼孫楚之情。岐路下揚朱之淚。雖再言再笑。賞風月於離前。一詠一吟。寄心期於別後。詩言志也。可不云乎。

秋日錢翹錄事使西州序

翹錄事務切皇華。指輪臺而鳳舉。群公等情敦素賞。臨別館而鳧分。促樽酒而邀帷。望山川而起恨。于時露團龍隰。雲歛鴈天。落葉響而庭樹寒。殘花疎而蘭皋晚。聞秋聲之亂水。已愴分溝。對零雨之飄風。倍傷岐路。五日之趣。未淹蘭藉之娛。二星之輝。行照葱河之境。清颯朗月。我則相思。隴水秦川。君方嗚咽。行歌不駐。遽驚班馬之嘶。贈言可申。聊振飛魚之藻。人探一字。四韻四篇。

錢李八騎曹詩序

夫人生百齡。促膝是忘言之契。丈夫四海交頤。非贈別之資。然而想山川之遙遙。送歸將遠。惜歲華之不待。行樂無時。是用輟征驂。以少留。敞離亭而多暇。山芳襲吹。坐疑蘭室之中。水樹含春。宛似楓江之上。加以御溝新溜。近入離絃。賓館餘花。遙催別酒。既而榮波東注。灞岸南登。淶蟻傾而高宴終。金馬落而離言促。雖相思有贈。終結想於華滋。而素賞無睽。盍申情於麗藻。人為四韻。各賦一言。

揚州看競渡序

夏日江干駕言臨眺于時桂舟始泛蘭棹初遊歎吹咽
江山耀緒蔽雲日嬈娟舞袖向淶水以金低飄颻歌聲
聽清風而更遠是以眼波笑臉艷出浦之輕蓮映渚娥
眉麗穿波之半月靚粧舊飾此日增竒弦管相催茲辰
特妙能使洛川迴雪猶賦陳思巫嶺行雲專稱宋玉凡
諸同好請各賦詩

秋日與群公宴序

昔桂飄隱舜躡箕山而不歸臨組逃齊滄波而長往
咸用潛心物外擯影丘中豈若擬迹小山陶心大隱叶

伸長之怡性偶潘岳之樓閑群公或道洽忘筌契金蘭
而貴舊或情深傾蓋披玉葉以文新于時玉女司秋金
烏返照烟含碧篠結虛影於鱗枝風起青蘋動波文於
異態庭榴剖實擊虛彩以成珠岸石澄瀾泛清漪而散
錦既而誓敦交道俱忘白首之情歎尔連襟共挹青田
之酒不有雅什何以摭情共引文江同開筆海

對策文三道

問岱岳遊菟入佳城而但化瀛洲羽客竦鶴轡而輕舉
雖則備於鱣素昭晰可觀求諸耳目虛無罕驗棄杖成

龍有異虞翻之旨。銜恩結草。寧符宗代之言。二者何從。爾其揚權。

對遐觀素論。眇覲玄風。惟鬼惟仙。難究難測。至夫滕公。長往佳城。開白日之徵。洪涯不歸。曾丘控紫雲之蓋。或崇成蒼狗。自是趙王之神道。叶赤龍爰通陸安之治。玉壘變萑弘之血。金闈化浮丘之靈。固能日覲桑田。來作西王之使。菟遊蒿里。還為北帝之臣。然而將聖生鄒。本忘情於語。惟多材封魯。亦默論於通仙。洎乎大義已垂。斯文將墜。於是八儒三墨之道。異軼分馳。九流百家之

文殊途競爽。語仙則有無交戰。語鬼則虛實相紛。遂使結草抗軍。爰乖宗岱之論。化竹游水。亦異虞翻之言。然而博訪綿書。緬尋曩冊。徇其浮說。徒有奔競之談。求諸至言。抑匪經通之旨。何則。高明瞰室。已著六文之文。太虛游形式。編三洞之錄。故齊君出獵。遇豕蹄於貝丘。周嗣登仙。浮鶴軒於洛浦。况乎千寶碩德。已緝搜神之書。劉向通儒。非無列仙之傳。斯皆實錄。諒匪虛談。謹對問士農工商。四氓各業。廢一不可。取譬五材。而閩里致言。鄙於學稼。漆園起論。爰稱絕巧。虛先聖垂文。義有優

劣將隨方設教。理或變通者。執爾其大。陳用啓前惑。
對出震登皇。垂衣裳而馭錄。乘乾踐帝。順舒慘而字泯。
莫不列九土。以開疆。因四人而安業。故農為政本。兩漢
舉力田之勤。財用聚人。九市列。惟金之利。陟龍門而就
日。入仕彈冠。斲蟬翼。以成風。追工運斧。咸用因人成事。
隨利濟時。蓋五帝通規。三王茂範。然則泣麟上聖。訓三
千。以領徒。夢蝶幽人。搏九萬。以齊物。欲使丘門志學。折
以問農之言。漢渚絕機杼。以灌園之巧。斯乃變通權教。
趨捨適宜。當今海內人安。天下樂業。仕植舊德。農服先

疇。自可孫弘獻書。以待公車之制。王丹載酒。時慰田家
之勞。謹對

問四十強仕七十懸車。著在格言。存諸甲令。然則顏駟
韞價殆乎。白首和尊。播美始自。韶年欲使。滋泉之彥。必
臻洛陽之才。無拾則隄防。或爽襟帶。徒施其道。如何。佇
聞嘉荅

對竊聞大人有作義。佇良材。貞士。徇名理。資明主。是知
君必待士。士必待君。故使飛龍在天。荀勗代良平之榮。
三魚縱壑。元后得唐虞之后。然則否泰或爽。材運難并。

八
十
成。新蘇車。尚牧淄源之豕。年甫志學。且珥漢庭之貂。是
知國籍時來。和君播玄貂之俊。當其未遇。顏以致白首
之勤。語其古今。稽之運會。雖則人事。抑亦天時。當今乘
六御天得一居帝。翹車獵彥。東帛旌賢。故當柱幽人。罷
韜真於文豹。青蓮江使。自裂兆於非熊。豈上洛陽之才。
乘儀漢國。滋泉之叟。降止周朝而已。於其談謝二龍。識
迷三豕。徒以鑽木。輕罔仰鼻。扶而曜暉。化草餘光。對舍
挂而炫彩。迴遑如失。俯仰多慙。謹對

駱賓王文集卷第八

駱賓王文集卷第九

雜著

帝京篇

疇昔篇 雜言

姚州道破逆賊諾波弄楊虔露布

又被設蒙儉露布

帝京篇

山河千里國。城闕九重門。不覩皇居壯。安知天子尊。皇
居帝里。峭函谷。鶉野龍山。侯甸服。五緯連影。集星躔。八

水分流橫地軸秦塞重関一百二漢家離宮三十六桂
殿陰岑對玉樓椒房窈窕連金屋三條九陌麗城隈
戶千門平旦開複道斜通鷓鴣視交衢直指鳳凰臺
劔履南宮入簪纓北闈來聲明冠寰宇文物象昭回
鈞陳肅蘭祀璧沼浮槐市銅羽應風廻金莖承露起
校文天祿閣習戰昆明水朱邱抗平臺黃扉通戚里
平臺戚里帶崇墉灼金饌玉待鳴鍾小堂綺帳三千萬
大道青樓十二重寶蓋彫鞍金絡馬蘭窓繡柱玉盤龍
綺柱璇題粉壁映銜金鳴玉王侯盛王侯貴人多近
臣朝遊北里

暮南隣陸賈分金將讌喜陳遵投轄上留賓趙李經過
密蕭朱交結親舟鳳朱城白日暮青牛細憶紅塵度俠
客珠彈垂楊道倡婦銀鈎采薪路倡家桃李自芳菲京
華遊俠盛輕肥延年女弟雙飛入羅敷使君千騎歸同
心結縷帶連理織成衣春朝桂樽樽百味秋夜蘭燈燈
九微翠幌珠簾不獨映清歌寶瑟自相依且論二十八
千金是寧知四十九年非古來榮利若浮雲人生倚伏
信難分始見田竇相移奪俄聞衛霍有功勳未歎金陵
酒先開石擲文朱門無復張公子灞亭誰畏李將軍相

碩百齡皆有待。居然萬化咸。應改桂枝芳。氣已銷亡相。
梁高宴今何在。莫矜一旦擅豪華。自言千載長驕奢。倏
忽搏風生羽翼。須臾尖浪委泥沙。黃雀徒巢桂青門。遂
種瓜黃金銷鑠。素絲變一貴一賤交情見。紅顏宿昔白
頭新脫粟。布衣輕故人。故人有湮淪。新知無意氣。灰死
韓安國。羅傷翟廷尉。已矣哉。歸去來。馬卿辭蜀多文藻。
揚雄仕漢乏良媒。三冬自矜成足用。十年不調幾遭迴。
汲黯薪逾積。孫洪閣未開。誰惜長沙傳。獨負洛陽才。

疇昔篇

少年重英俠。弱歲賤衣冠。既託寰中賞。方承膝下歡。邀
遊灞陵曲。風月洛城端。且知無玉饌。誰肯逐金丸。金丸
玉饌盛繁華。自言輕侮季倫家。五霸爭馳千里馬。三條
競駕馬七香車。掩映飛軒乘落照。參差步障引朝霞。池中
舊水如懸鏡。屋窠新粧不讓花。意氣風雲倏如昨。歲月
春秋屢迴薄。上苑頻經柳絮飛。中園幾畝梅花落。當時
門客今何在。疇昔交遊已踈索。莫見憔悴損容儀。會得
高秋雲霧廓。淹留坐帝鄉。無事積炎涼。一朝披短褐。六
載奉長廊。賦文慙昔馬。執戟慕前楊。揮戈出武帳。荷筆

入文昌。文昌隱隱皇城裏。由來弈弈多才子。潘陸詞鋒
駱驛飛。張曹翰苑縱橫起。卿相未曾識。王侯寧見擬。徒
勞倦。負薪何處逢知己。判將運命賦窮通。從來奇舛任
西東。不臂永棄同芻狗。且復飄飄類重蓬。容鬢年年異
春花。歲歲同榮親未盡。禮徇主欲申功。脂車秣馬辭鄉
國。縈轡西南吏印燹。玉壘銅梁不易攀。地角天涯眇難
測。鶯轉蟬吟有悲望。鳴來鴈度無音息。陽關積霧万里
昏。劔閣連山千里色。蜀路何悠悠。岷峯阻且脩。迴腸隨
几折。迸淚忽雙流。寒光千里暮露氣。二江秋長遠者求。

馬平水且沉牛。華陽舊地標神制。石鏡娥眉真秀麗。諸
葛才雄已号龍。公孫躍馬稱輕帝。五丁卓犖多奇力。四
士英靈用文藝。雲氣橫開八陣形。橋影遙分七星勢。川
平煙霧開遊戲。錦城隈墉高龜望。出水淨鴈文迴尋。姝
入酒肆訪客上琴臺。不識金貂重。偏惜玉山頽。他鄉苒
苒消年月。帝里沉沉恨城闌。不見猿聲助客啼。唯聞旅
思將華發。我家迸過閔山裏。閔山迢迢不可越。故園梅
柳尚餘春。來勿使芳菲歇。解袂欲言歸。執袂愴多違。
北梁俱握手。南浦共沾衣。別情傷去蓋。離念惜光輝。補

外有何託木落有南飛。陸春來酒應熟相將菌閣望
 青溪且用藤盃泛黃菊十年不調為貧賤百日屢遷隨
 倚伏祇為須求負郭田使我再干州郡祿百年鬱鬱少
 騰遷萬里迢迢入鏡川涘江沸潮衝白霧淮海長波接
 遠天叢竹朝露孤山起。暝烟賴有邊城月常伴客旌懸
 懸東南美箭稱會名都隱軼三江外塗山執玉應昌期
 曲水開襟重文會仙鏡流音鳴鶴嶺寶劍分輝若蛟瀨
 未看白馬對蘆芻且覺浮雲似車蓋江南節序多文酒
 屢經過共踏春江曲俱倡采菱歌舟移疑入鏡掉舉若

乘波風光無限極。端檝礙池荷。眺聽烟霞正流盼。即從
 王事歸。艤轉芝田花發屢徘徊。金谷德明重遊行。登高
 南適。嗤梁叟憑軾西征。想潘椽岸間華岳聳疑蓮水激
 龍門急如箭。人事謝光陰。俄遭霜露侵。偷存七尺影。分
 役九泉深。窮途行泣玉。憤路未藏金。茹荼徒有歎。懷橘
 獨傷心。年來歲去成銷鑠。懷抱心期漸寥落。挂冠裂冕
 已辭榮。南畝東臯事耕鑿。賓階客院常踈散。蓬徑柴扉
 終寂寞。自有林泉堪隱棲。何必山中事丘壑。我任青門
 外家臨素澹濱。遙瞻丹鳳闈。斜望黑龍津。荒衢通獵騎

窮巷抵樵輪。時有桃源客。來訪竹林人。昨夜琴聲奏。悲
調旭旦含。頓不成笑果。乘駝馬。發囂書。復道郎官稟。綸
誥治長非。罪曾縲綫長。孺然灰也。經溺高門有閣不圓。
封峻筆無聞。欲敷妙適。離京兆謗。還從御府彈。失威資
夏景平。曲况秋翰。畫地終難入。書空自不安。吹毛未可
待。搖尾且求飡。丈夫坎壈多愁疾。契闊迤邐盡今日。慎
罰寧憑兩造辭。嚴科直挂三章律。鄒衍街悲衝燕獄。李
斯抱怨拘秦格。不應白髮頓成絲。直為黃沙暗如漆。紫
禁終難叶。朱門不易排。驚魂聞葉落。危魄逐輪埋。霜威

遙有勵雪社。更無階舍寃。欲誰道。飲氣獨居懷。忽聞驛
使發。關東傳道天波萬里通。洞轍去麟先。遊海幽禽釋
網。便翔空。舜澤堯曦方有極。說言巧佞。謹無窮。誰能
迹。依三輔。會就高山訪四翁。

姚州道破逆賊諾波弄揚虔露布

尚書兵部臣聞北極列象。六合奉天子之尊。南面乘乾。
一統成聖人之業。是知衣裳所會。義有輯於殊鄰。霜露
所均。誠有育於異類。故塗山萬國誅後。至者防風。丹浦
一戎。緩前禽者就日。然則利孤矢以威天下。法雷霆以

震域中四時行焉天道不能去然五兵備矣皇業所以
勝殘雖事切救焚苟順時以濟物恩深祝網不獲已而
用兵伏惟皇帝陛下登翠媽以握名憲紫微而正象玄
功不宰混太始以凝神至道無圖佇華胥而得夢闡文
教以清中夏崇武功以制九夷環海十洲通波太液之
水鄧林萬里交影甘泉之樹反踵穿曾之域襲冠帶以
來王奇肱儋耳之首奉正朔而請吏逆賊象儉和舍等
浮竹遺胤沉木餘苗邑殊禮義之鄉人習貧殘之性日
者皇明廣燭帝道遐融頗亦削左社而被朝衣解推髻

而昇華冕而射狼有性梟鏡難馴遂敢亂我天常變九
隆而背誕負其地險携七部以稽誅搔亂邊壘被數州
郡是用三門授律長馳無戰之師五月渡瀘深入不毛
之地去月二十日軍次三肅齋鎮前後捕得生口知守
捉山差傍山連結十部蠻有徒五萬衆此山即南中巨
防也崗巒千里西通大荒之郊溪谷萬重南極炎洲之
境撐喬林而淨月陰靈有假道之標拔崇巖以隱天陽
鳥迴無翼之地峯危東馬路絕懸車賊踞臨代之形垂
建瓴之勢徵風召雨蜩起蜂飛駟雜種以挺定封狐千

里肆沉黎而作孽。雄虺九頭。臣以為制敵以權。柔遠者
埋成於德教。伐叛以義。決勝者不在乎干戈。於是廣布
朝恩。恭宣帝澤。申之以安撫。曉之以存亡。信重蠻陬。無
負黃龍之約。賞隆漢爵。不踰白馬之盟。地接周駝。詞辱
殫於喻蜀。俗通盤飶。聲不輟於吠堯。臣遣左二軍子總
管寧遠將軍前守右驍衛并陘縣開國男劉玄暕等。銜
枚遠襲。卷甲前驅。偃危旆而設潛兵。疑從天落。乘間道
而掩不備。若出地中。又遣右二軍子總管明威將軍行
左武衛翊府郎將高奴弗率左武衛天水府折衝都尉

張仁操等。陟南山之南。衝其要害之路。又遣左二軍子
總管前右金吾衛翊府郎將孫仁感率府左果毅都尉
王文雅等。凌北山之北。絕其飛走之途。賊首領揚慶柳
設弄諾覽期等。振螳螂之力。非轍當輪。縱蚊蚋之群。
彌山滿谷。劉惠基高奴弗孫仁感等。並忠勤克著。智略
遠聞。識明君之重恩。輕生有地。提太阿之神劍。視死無
時。彎弧而克黨。土崩舉刀而斃。徒瓦解。雖危若沸鼎。未
窮鳧首之計。救死扶傷。猶致折體之憂。二十日。臣遣副
總管兼安撫副使定遠將軍前左驍衛府中郎將令執

智通率右武衛良將壯府左果毅都尉韓惠德等擁
豹之雄順天機而左轉。遣副總管兼安撫使守銀州劉
史李大志率前左衛靜福府果毅都尉陳弘義等率
象之卒乘地軸以右迴。又遣行軍司馬守雋州都督府
長史梁待辟率守金吾衛宜昌府果毅都尉閻文成等
總投石拔距之材蹈中權而撫其背。又遣前守右威衛
龍西府果毅都尉康留買等騰躍截敵金之騎。犯前茅
而扼其喉。臣率守衛清官府左果毅許懷秀等橫玉弩
以高臨。縱金鉦而直進。玄雲結陣影密西郊。赤堊揮

氣衝南斗。颺塵埃而布地。白日為之晝昏。積氛侵以稽
天。滄溟為之晦色。兵交刃接。鳥散魚驚。自卸及申。追奔
逐北。斬首千餘級。轉戰三十里。激流膏而為泉。似變長
弘之血。委亂骸而擠壑。若泛蠶靈之屍。既而照盡高春
雲昏。一夜賊乃收集餘衆。保據重巖。臣度彼遊魂慮其
宵遁。彼三軍齊進。四面合圍。二十三日乘魚爛之危。啓
蛇形之陣。揚麾誓衆。杖節訓兵。一鼓先登。賞必懸於芳
餌。攻失律。罪無赦於嚴誅。五部雄材。三河俠少。或生
居燕地。尤工即墨之圍。或家本秦人。早習昆明之戰。叱

叱則江山搖蕩。慷慨則林壑飛騰。舉鵬力以揚威。耀犀渠而賈勇。登氣廓浸。同夏景之潰。春冰滅迹。掃塵若霜。風之卷秋籜。戰踰百里。時歷三朝。前後生擒。四千餘人。斬首五千餘級。諾沒弄揚。虔柳等。殞元行陣。懸首旌門。蒙儉和舍等。悉衆奔馳。脫身挺險。雖復刑以止殺。丁壯咸伏於誅。夷禮不重傷。班白必存於寬宥。昔魏臣賦蜀。徒聞蒟醬之音。漢使開邛。統通竹杖之利。豈若膺紫泥。而吊伐指場。徼以臨戎。一戰而猛獲已擒。再舉而哀牢投首。斯並皇威遠暢。廟略遐宣。奉玄猷以配天。徒知亭

刀。捲皇輿而闡地。豈曰臣功。不勝慶快之至。謹奉露布以聞。

又破設蒙儉露布

臣聞七緯經天星。墟分張翼之野。八紘紀地。炎洲限建木之鄉。西距大秦。雜金行而李氣。南通交趾。枕銅柱以爲鄰。俗帶白狼。人習貪殘之性。河淪赤虺。川多風雨之妖。水積炎光。山涵毒露。竹浮三節。肇興外域之源。木化九隆。頗爲中國之患。年將千祀。代歷百王。鄭純之化。不追孟獲之風。逾扇。忤三年疲衆。徒聞定筭之譏。五月出

師未息渡瀘之役然則大人極物上聖乘期法乾坤以
握樞體剛柔而建極知仁義不能禁暴設刑網以勝殘
知揖讓不可濟時用干戈而靜亂伏惟皇帝陛下祥螭
戴玉拓地軸以登皇道契寢繩掩天紘而踐帝玄雲入
戶纂靈瑞於丹陵緣錯昇壇薦禎圖於翠渚垂衣裳以
朝萬國崇玉帛而禮百神昭儉防奢露臺惜中人之產
宣風布政明堂法上帝之宮致群生於太和登品物於
仁壽四神踐雪五老飛星君囿祥麟樂班文於仙卉女
牀鳴鳳韻埽昌於帝梧四隩同文五風異色配林萬里

鏡疏苑囿之基曾城九重未出池隍之域六合照臨之
地候月滯琛大鑑覆載之間占風納賁蠢茲蠻貊敢亂
天常橫赤燄以疏壇背朱提而設險山林萬仞巖邑六
里望秦阜以相傾峭陵失四塞之阻對梁山而錯峙劍
門成一簣之峯自謂絕壤遐荒中外足以迷聲教憑深
負固江山可以逃靈誅不知玉弩垂芒泓水無九嬰之
冰瑤階舞鐵洞庭有三苗之墟臣等謬以散材忝專分
閭自白招乘候順秋帝以揚旌絳節臨邊通夜郎而解
辦自雲開雋穴旆轉中川峻岵折坂之危盡忘襟帶滇

池漏江之固，曾葛藩籬。唯逆賊設蒙，儉等未革狼心。仍懷豕突，陸梁放命。旅拒偷安，城接祠鷄。竟無希於改旦，山多神鹿。終未息於擇音。臣以大帝宣威，有征無戰。明王杖順，先德後刑。加聖澤於中孚，緩天誅於大造。庶南薰解愠，仰雲闢以翔。竟東從變音，扣棘門而頓顙。而况禽踈網，徒聞三面之恩。毒虺挺袂，逾肆九頭之暴。乃鳩集餘衆，蟻結兇徒。僂耳椎髻之渠，千里霧合。鑿虛雕題之孽，一呼雲屯。凌石菌以開管，拒巖椒而峻壘。崇巖切漢，若登藏寶之山。絕壑憑宵，似瞰封泥之谷。以去月十

七日，運營布陣，踞險揚兵。東西三十里，馬步二十萬。聚蚊蚋而成響，聲若雷霆。縱蛇豕以為群，氣稽宇宙。臣遣中郎將令狐智通等擁拔山超海之雄，當其步陣。遣銀州刺史火志等駭驚景騰雷之騎，承其馬軍。遣雋州刺史行軍司馬梁大辟等領勁卒一千，絕其飛走之路。遣臨源府果毅馬仁靜等勒精兵九百，斷其潛伏之軍。臣率行軍長史韓餘慶等，責霜戈而直進，指雲陣以長駟。庶令斬馘七擒，將士挾雷公之怒，伏屍百死。蠻夷識天子之威，於是三略訓兵，五申誓衆。竟登陷敵，無遺大樹。

之功後拒亂行必致曲梁之罰楚人三戶蜀郡五丁氣
擁玄雲精貫白日喑鳴則乾坤搖蕩呼吸則林壑沸騰
列旗影以舒雲似長虹之東指橫劔鋒而電轉疑大火
之西流刃接兵交洞宵達腋自辰踰午魚爛土崩涕殘
息於層峯更切守陴之哭積負顛於重阜殆成京觀之
封唯賊師卒于未悟傾巢之兆敢懷拒轍之心獨率馬
軍平川轉鬪驚塵亂起六合為之寢光殺氣相藉四溟
由是變色副總管李大志忠惟徇國義則亡軀臨危而
貞節逾明制敵而神機獨遠丹誠自守雖九死其如歸

白刃交前豈三軍之可奪投袂則袂徒霧廓寒旗而兇
黨山崩於是乘利追奔因機深入因獸猶鬪如戰廩君
之蒐窮鳥尚飛如驚杜宇之魄斬甲卒七千餘級獲裝
馬五千餘疋僵尸蔽野臨赤坂而非遙流血洒途視丹
檄以何遠首領和舍等並計窮力屈面縛軍門寬其萬
死之誅弘以再生之路唯蒙儉脫身挺險負命窮山頽
巢穴而靡依逃晷漏而何幾况妖徒革面徵外非復他
人部落離心舟中皆為敵國瞻言梟首指日可期凡在
歸降隨事招撫與之更始復其故葉首丘懷戀疑臨舊

國家墟安堵識家似入新豐之邑然後班師懸水振旅
禹山建鴻勳於武功暢玄猷於文教庶荒陬籠中原之
禮邊壇息外戶之虞華封祝堯兆皇基於千載夷歌頌
漢美王澤於三章豈與夫天帝前星廣賜秦公之冊坤
元益地遙開王母之圖蓋亦有云曾何足紀斯並玄謀
廣運廟略遐覃一戎而荒憬肅清一鼓而邊隅底定豈
臣等提戈擐甲克全百勝之功杖節揚麾能通九變之
策鵠藁銜而獻旅大帝成規聞杖杜之勞旋小臣何力
不勝發快之至謹遣行軍馬司梁大辟奉露布以聞

嘉賓王文集卷第十

雜著

伐李敬業檄

應詰

自叙狀

祭趙郎將文

樂大夫挽詞 五首

丹陽刺史挽詞 三首

伐李敬業檄

爲周武氏者人非溫潤地實寒微昔充太宗下陳曾以
更衣入侍洎乎晚節穢亂春宮密隱先帝之私陰圖後
房之嬖入門見疾蛾眉不肯讓人掩袂攻讒狐媚偏能
惑主陷元后於翬翟致吾君之聚麀加以虺蜴爲心豺
狼成性迹押邪佞殘害忠良殺子屠兄弑君梟母人神
之所共嫉天地之所不容猶復包藏禍心窺竊神器君
之愛子幽在別宮賊之宗盟委之重任嗚呼霍子孟之
不作朱虛侯之已亡燕啄皇孫知漢祚之將盡龍恭帝
后識夏庭之遽衰敬業皇唐舊族臣公侯冢子奉先

之遺訓荷本朝之厚恩宋微子之興悲良有以也袁君
山之流涕豈徒然哉是以氣憤風雲志安社稷因天下
之先望遂海內之推心爰舉義旗以清妖孽南連百越
北盡三河鐵騎成群玉軸相接海陵紅粟倉儲之積靡
窮江浦黃旗匡復之功何在班聲動而北風起劒氣衝
而南斗平喑鳴則山岳可崩叱吒則風雲變色以斯制
敵何敵不摧以斯攻城何城不克公等或居漢北或叶
周親或膺重寄於瓜牙或受顧命於宣室言猶在耳忠
豈忘心一杯之土未乾六尺之孤安在儻能轉禍爲福

送往事居。共立勤王之師。無發大臣之命。凡諸爵賞。同列山河。若或眷戀窮城。徂征改路。坐昧先機之兆。必貽後至之誅。請看今日之域中。合是誰家之天下。

應詰

余以三伏辰行。至七里瀨。此地即新安江口也。有嚴子陵釣磯焉。澄潭至清。洞徹見底。徃徃有群魚戲。歷如水平行耳。人有釣者。試取投之。或有浮而而不願者。或有舍而輒吞者。引竿而舉。因以獲焉。其始出也。乃掉尾。擲簪而有若恃力而自勉。其少退也。則鼓腮濡沫。有似屈體而

求哀嗟乎。勢牽於人道。窮於我將欲以下座而歎。又安能中徹而呼。莊周哉。余乃祝曰。猛獸搏之。拍於穿鷲鳥攫也。繫於籠樊。素龜靈也。被髮河津。白龍挂鱗。置網何不涖潛。而穴處何故貪餌。而吞。放之江流。盡其生生之理。時同行者。頌詰余曰。夫至人之處世也。擬迹而後投。隱心而後動。終始不易其道。悔恪不生其情。而吾子沉緝於川。登魚於陸。烹之可以習政術。羞之可以助庖厨。曩求之將何圖。今捨之將何歎。余笑而應之曰。聖人不凝滯於物。智士不推移於時。

幾之謂神。食生之謂道。殷一聖也。囚於夏。孔丘賢也。畏於匡。且夫明哲之賢。尚罹此厄。况鱗羽之族。能無弋釣之累哉。故曩吾有心也。求之不得。今吾無心也。既得之而捨。求與捨。不亦雙美乎。烹與羞。不亦兩傷乎。况療飢者。半菽可以充腹。為政者。一言可以興邦。亦莫必因小鮮而後明。三異之規。勦大命而後奠。一食之飽。而不殺。可謂仁乎。獲而不饗。可謂廉乎。且夫垂竿而為事者。太公之遺術也。形坐磻溪之石。兆應滋水之璜。夫如是者。將以釣川耶。將以釣國耶。然後知古善釣者。其惟太公乎。又有妙於此者。其為文王乎。夫文王制六人。為釣。懸西履為餌。筮之於清廟。投之於巨川。一引而獲。太公再舉而登。尚父由此觀之。躡會稽而沉轄者。鮑肆之徒也。踞滄海而負鰲者。漁父之事也。斯並取小者之所習。安知丈夫之所為哉。

自叙狀

某官某謹再拜言。伏奉恩旨。令通狀自叙所能。某本江東布衣也。幸屬大鑪與觀。合璧光輝。易彼上表。叨茲下秩。于今三年矣。然而進不能談社稷之務。立事家中。退

不能掃丞相之門。買名天下。徒以黃鸞元吉。白賁西與。不少海之波瀾。照重光之麗景。雖任能尚齒。載弘進善之規。而觀過知人。異降自媒之旨。是用披誠歷懇。以抒愚衷。若乃忘大易之謙光。矜小人之醜行。彈冠入仕。解褐登朝。飾懷祿之心。效當年之用。莫不徇名養利。勵朽磨鉛。自謂身負管樂之資。志懷周邵之業。若斯人者。何勝道哉。而脩譽家能。聽言觀行。捨直筌而擇土。必虛談以取射。特悲有美譎而無其人。得其實而喪其實。故曰知人不易。人不易知。抑又聞之。知臣莫若君。知子莫若父。誠能簡材試劄。考績求功。觀其所由。察其所以。臨大節而不可奪。處至公而不可干。冀斯言之無虧。於從政事。何有若乃脂韋其迹。乾沒其心。說己之長。言身之善。覲容冒進。貪祿要君。上以紊國家之大猷。下以瀆與介之高節。此凶人以為耻。况吉士之為榮乎。所以令銜其能。斯不奉令謹狀。

祭趙郎將文 為李義作

魏州道大總管李義祭趙郎將之靈。惟靈降精辰象。委質昌期。棄筆文場。早徇封侯之志。影纓武帳。坐昇戎袂。

之榮屬滇浦。挺妖。昆明習戰。應星文而動。將奉天罰。以
揚威。不能弘妙算於西戎。叶神謀於九變。致令王師失
律。兇狡憑凌。雋穴南臨。同五溪之深入。印閔不阻。類雙
嶠之不歸。亭候多虞。故有負於明代。春秋責帥。豈無慙
於幽途。夫任賢與能。明君之事也。陳力就列。忠臣之義
也。雖見危授命。固誠節之有餘。臨難權機。何智謀之不
足。嗚呼哀哉。某猥以散材。謬專分閫。途經夷落。路踐戎
塲。停疲駭於九原。悲來有地。痛遺骸於四野。泣下無從。
暫輟征旅之勤。爰崇掩骼之義。庶幽靈有託。梧丘息入。

夢之魂。壯士不還。薤歌起送終之曲。嗚呼。九真遊徼。萬
里長安城危。踈勒山峻。臯蘭因原為隴。即壤成棺。夕陰
儀而平蕪。晦秋風急而荒戍寒。哀哉。異域幽埏。但有新
栽松栢。他鄉古木。非復舊邑。粉榆感平生有若斯。聊申
素酒。儻聰明之不昧。或薦簞醪。

樂大夫挽詞五首

可歎浮生促。于嗟此路難。丘陵一起恨。言笑幾時懽。
蕭索郊埏晚。荒涼井陘寒。誰當門下客。獨見有任安。

又

蒿里誰家地。松門何代丘。百年三萬日。一別幾千秋。返
照寒無影。窮泉凍不流。居然同物化。何處欲藏舟。

又

昔去梅笳發。今來薤露晞。彤駟朝帝闕。丹旆背生畿。城
郭猶疑是。原陵稍覺非。九原如可作。十載與誰歸。

又

一旦先朝菌。千秋掩夜臺。青烏新孔去。白馬故人來。草
露當春泣。松風向暮哀。寧知荒隴外。吊鶴自徘徊。

又

忽見靈臺路。猶疑水鏡懸。何如開白日。非復覩青天。華
表迎千歲。幽扃送百年。獨嗟流水引。長掩伯牙弦。

丹陽刺史挽詞 三首

百齡嗟倏忽。一旦附山河。丹桂銷已盡。青松哀思多。薰
風慮聽曲。薤露反成歌。自有藏舟處。誰怜隙駟過。

又

惻愴恒山羽。留連棣萼篇。佳城非舊日。京兆即新阡。城
郭三千歲。丘陵幾萬年。唯餘松柏隴。朝夕起寒烟。

又

短歌三獻曲長夜九泉臺此室玄扃掩何年白日開荒
郊踈古木寒隧積陳芳獨此傷心地松聲薄暮來

賓王文集卷第十